



國家圖書館藏  
琉球資料續編

(下 冊)

下  
冊  
目  
錄

|      |        |       |     |
|------|--------|-------|-----|
| 中山世譜 | 抄本     | ..... | 一   |
| 琉球往來 | 抄本     | ..... | 六二三 |
| 琉球詩錄 | 清同治間刻本 | ..... | 八八三 |

中山世譜序

孤聞夏后殷周垂裳蒞治而天下稱  
頌及其衰也悖天作弊而萬民生怨  
皆自為也豈必謂之天也哉書曰后  
克艱厥后臣克艱厥臣詩曰畏天之  
威于時保之其旨微矣惟我國自  
天孫氏啓宇以來一興一廢安危不一

成化年間我

始祖王以御鎖側官恭承

天命創業垂統境內三府三十六島一視

同仁靡間遐邇自爾而來明良協力

慎守基業戰兢弗懈迨夫

皇清定鼎文教益明良臣賢士愈篤忠勤

爰得萬機之暇纂修國譜以成全部  
昭穆親疎足以溯之興廢善惡足以  
考之矧俾後世披譜而觀者竦然存  
敬戒之心油然而興忠孝之道此誠邦  
家之大鑑也古人曰興治同道罔不  
興與亂同事罔不亡蓋此一言至矣  
盡矣尚其仰體  
始祖垂統至意今誓古修己治人共殫  
上下之道永保雍熙之休是亦所望  
于後世也哉

雍正三年二月上旬書

紫金大夫加授法司品御現任 國師臣蔡溫

謹

啓臣溫讀麟經而知一王之義讀詩書而知制作之難夫禹湯文武則創業垂統之大聖也然風化百年而後成制作累世而後備蓋制作若斯之難也維我國初

天孫氏以無為闢治而姓名事功莫可稽考者以載記未備之故也自

舜天踐祚而來國俗革變政法寢具迄我始祖金元王承

天命登

大位集

前王之大成創萬世之鴻業禮樂政刑教化之治

燦然大興而較諸前代規模則天壤懸隔猗  
歟休矣傳至

賁王恭逢

皇清定鼎文明益開卒以歷代事功及

祖德宗功昭穆親疎之輕

特命按司向象賢始用國字著中山世鑑一部

然前代紀籍頗致湮沒象賢深為之嘆既而

貞王嗣立斯文大明如日中天仍

命總宗正尚弘德等改以漢字重修世鑑顏曰

中山世譜時臣溫之父紫金大夫臣蔡鐸奏

命手修世譜亦以前代難考而嘆焉方今恭遇

聖上殿下修德崇道百度悉舉康熙己亥受

封之時臣溫在

冊使徐公處獲琉球沿革志及使錄等書委曲讀之

始知

象賢

所著世鑑果有誤差兼多缺闕豈

非前籍湮沒之所致也哉臣

溫奉

命改修是譜蓋是譜也續前謨光後緒而垂鑒

于萬世誠非臣

溫

樗材之所及然而今不止

焉則前代履歷之事其何以得明之爰以其

所獲之書與夫本國記傳及隋唐宋元之史

博採旁搜互致恭考昔之所誤今始正之昔

之所缺今始補之以成全部繇是我琉球國

自

天孫氏啓宇以來世統興廢政治美惡及昭穆親

疎之屬燦然足溯昭然足稽而譜事全備矣

於戲西周

有

天下也

文武

以大

聖

創業成

康以大賢承統然後始稱咸正岡缺蓋制作  
若斯之難也伏願

居今誓古綜千聖之心以為心

修己治人集百王之善以為而政治之美麟跡  
之祥與天地俱垂矣臣溫編輯告成謹繕呈

覽伏乞

上鑒俯賜察奪為此具

啓以

聞

雍正三年二月

凡例十條

一 世者國王父子兄弟相傳之次統者有統無統之別也今悉定圖而世統自明使讀者披圖而昭穆易考故以冠諸卷之首

一 天孫氏二十五紀相繼治國九歷乙萬七千餘年但記籍未備而姓名事功無從考求故歷代總圖中止書二十五紀是闕疑存信之義也

一 歷代總圖中有登中山王位而繼大統者皆大書之其或篡位或裂土稱王而非中山王統者附細書之以便稽考此所尊大統之義也

一 自天孫氏至于當今一系相統者見琉球一王之義也然前代諸王或傳子或傳賢其系不一故天孫氏舜天王英祖王察度王尚思紹王及

當今萬世之統各分家系而明夫親疎之所係也

一世統圖中稱王抬頭一字者以其即位也書姓不抬頭者以其未及即位也不書姓者以其為翁主也

一譜中獨載庶子而諸孫不載者以諸孫改用向氏而各有家譜之故也是亦尊卑之分定而君臣之義明矣

一前代興廢因革及所行之善惡至于後世必有論焉者皆指之曰某也正某也邪某也賢某也不肖雖世歷百千年而其所行者難免乎後世公論此則總論之所作也而儆戒之義存矣  
一總紀者自天孫氏至于當今夫略紀年紀事使

讀者易考焉然天孫氏以下至于尚德名曰歷代總紀當今之紀名曰中山萬世總紀者是亦踈古親今之義也

一附紀者紀即位以前之事也紀者紀即位以後之事也是編則國統之興廢在位之短長及政事之善惡莫不悉紀俾後世有披世譜而存勸懲之心者皆在乎是編矣

一遺老說傳者傳以空言說以巧言其間變易無常虛實難辨若以係倫道者輕許載之萬有一差則瀆冒先王其罪非輕况凡人之情以分鄉之裔為榮以布衣之裔為辱若一以遺說許之則人人貪榮以虛為實以詐為信而譜法必生弊矣故如先王父母兄弟及妃妻子女之屬止

遵舊譜以紀之其非有典籍昭然而足簪考焉  
者不敢許以遺說瀆之是誠重倫闕疑之義也  
附 徃昔之制諸郡諸村多置按司治之由  
是諸按司各據兵柄爭雄好戰興亡不常今  
日布衣明日稱按司今日按司明日却無跡  
况復昔俗無有姓氏諱號人異而名同者不  
可勝數上自王子下至庶人無不皆然是虛  
實之所以難辨也故雖公卿之家而父母不  
詳者甚衆唯可為之嘆而已

當官姓氏

國相

法司

尚徹子北谷王

馬獻圖方浦添親

向和聲方西平親

毛承詔方摩安親

尚盛子越來慶

向文明司玉朝雄

毛光翽具志親

蔡溫方末吉親

順治庚寅始編國字世鑑當官姓氏

國相

法司

尚盛子金武貞王

馬加美方大里親

章邦彥方宜野親

纂修司

向錫類  
方國頭親  
向象賢  
司羽朝北秀按

康熙辛巳重修漢字世譜當官姓氏

國相

尚弘才  
子北朝谷愛

法司

向世俊  
方仲朝田重親

馬廷器  
方幸良地朝重親

毛天相  
方池安城倚親

總宗正

尚弘德  
子東風平王

向和禮  
司伊江朝按

傅崇道  
方田厚崎清親

纂修司

蔡鐸  
方志多伯親

中山世譜原序

粵琉球國中山

王尚圓公七世嫡孫時

王尚質公聰明睿知纘承

太祖君鴻基以來孳々圖治恒慮任君師治教之重

萬機之暇

命攝政金武王子朝貞三法司大里良安宜野灣

正成國頭朝季會博古舊僚取其議論格言以

使臣象賢撰自古所無之世系圖矣以世鑑名

之者非無所由殷以夏為鑑周以殷為鑑詩曰

殷鑑不遠在夏后世後世之君臣以是為鑑庶

幾亦有利哉伏惟我

君慮此一則先王報本追遠之深意也一則要使後

裔知萬殊之所以一本而已可謂忠孝之至矣  
然臣樗櫟之材井蛙之見文非半豹字類塗鴉  
固慚列於章縫幸逢熙洽之時謬忝校勘之任  
今編輯已成謹謄寫進

呈此惟不過使旁觀者掩口而竊笑而已伏願當  
使腹笥五經心貫萬古者損益之故今臣不顧  
才之拙與語之俚謬願頓首撰之以達

聖覽

順治七年歲次庚寅太呂吉旦按司臣向象賢

頓首謹撰